



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Economy**

Broj: 13/2021  
Sarajevo, 14.07.2021.godine

**Predmet: Obavjest za poljoprivrednike**

Ambrozija ili limundžik ili partizanka (*Ambrosia artemisifolia*) je prisutan i opasan korov. Biljka je jednogodišnja što znači da se širi sjemenom. Ima jako dug period klijanja, niče tokom cijelog ljeta, zbog čega je otežano njeno suzbijanje. Ambrozija cvjeta od jula do septembra, a sjeme zrije od septembra do oktobra. Proizvodi veliku količinu polena koji izaziva alergiju kod ljudi i životinja.

Ambrozija je prisutna u okopavinama kao što su: duhan, suncokret, kukuruz, soja, šećerna repa, krompir, kao i u vrtovima, ali i pored puteva, željeznica, na rubovima parcela, u kanalima i ostalim nepoljoprivrednim površinama. Poljoprivrednici su uvidjeli probleme koje izaziva ovaj korov, te primjenjuju mjere zaštite svojih kultura- hemijske, agrotehničke i posebno mehaničke zaštite.

Veliki problem su nepoljoprivredne površine na kojima u ljetnim mjesecima možemo vidjeti izrasle i procvjetale biljke ambrozije. Zato apelujemo na poljoprivrednike, ali i ostale građane da unište ovaj korov u ranijoj fazi rasta, odnosno dok tek niče. Nikako ne dozvoliti da se rascvjeta i stvori sjeme te na taj način nastavi širenje i u slijedećoj godini. Kod mehaničkog suzbijanja ne samo odsijecati vrhove, jer iz bočnih grana se nastavi rast, zato je najbolje iščupati cijelu biljku.

**Svako tretiranje je potrebno evidentirati, a ambalažu zbrinuti na pravilan način.  
Preparate koristiti u skladu sa uputstvom proizvođača.**

**MINISTAR**

**Adnan Delić**

